ԴԱՍ 6. ԷԿՈԳԱՆՁԱՏՈՒՓ (1-4-րդ դասարան)

<u>Դասի նպատակր</u>

Օգնել աշակերտներին ավելի մոտիկից ձանաչել հայրենի բնության մեջ աձող բույսերի տեսակները, բույսերը մամլելով, չորացնելով և պահպանելով՝ դասարանի համար պատրաստել հատուկ «էկոգանձատուփ»:

Այս «գանձատուփի» մեջ ուսուցիչն ամեն շաբաթ կարող է թաքցնել բնությունից վերցված մի նմուշ, որպեսզի երեխաները դասի ժամանակ կռահեն, թե ինչ է այնտեղ։ Կարելի է վերցնել թիթեռի բոժոժ, սոձու կոն, տերև, սունկ և այլն։ Կամ կարող եք խմբային քննարկումների համար գրականությունից ընտրել մեջբերումներ, գրել թղթիկների վրա ու պահել տուփի մեջ։

Անհրաժեշտ պարագաներ

Կափարիչով տուփ (կոշիկի տուփի մեծության), մի սրվակ մազի լաք, որով ծաղիկները պետք է ամրացնել տուփի կափարիչին, սոսինձ։ Այս պարագաներն անհրաժեշտ է ձեռք բերել նախապես և իմանալ, թե որն ինչի համար է։ Եթե սոսինձ չունեք, կարող եք ինքներդ պատրաստել այն հետևյալ բաղադրատոմսով։

Ինչպես պատրաստել ջրում լուծվող սոսինձ

Եթե հնարավորություն չունեք խանութից բարձրորակ սոսինձ գնել, վերցրեք մի քիչ ցորենի ալյուր, ավելացրեք սառը ջուր։ Թույլ, ջրիկ խմոր պատրաստեք (նրբաբլիթների խմորի պնդության): Խմորը լավ հարեք, որ գնդիկներ չմնան և մարմանդ կրակի վրա անընդհատ խառնելով՝ տաքացրեք մինչև եռալը։ Օգտագործելուց առաջ խառնուրդը պետք է հովացնել։ Սոսինձը պահեք ամուր փակվող ամանում։ Եթե խառնուրդը պնդանա, կարող եք մի քիչ գոլ ջուր ավելացնելով փափկեցնել այն։

Բնական սոսնձի ստացման աղբյուր

Խատուտիկները և այլ կաթնաբույսեր պարունակում են բնական լատեքս (կաուչուկային կաթնահյութ), որը կարելի է օգտագործել որպես սոսինձ։ Սա այն դեպքում, եթե քիչ քանակությամբ սոսինձ է պետք։ Կաթնահյութն օգտագործելուց անմիջապես հետո անպայման լվացվեք, քանի որ մաշկի վրա երկար մնալով՝ այն կարող է ցան առաջացնել։

Արվեստի դասի ժամին կարող եք աշակերտներին հարցնել. «Ինչո՞ւ են որոշ բույսեր այսքան կպչուն»: Պատասխանը հետևյալն է. «Այս քիմիական նյութերը կենդանիներից ու միջատներից պաշտպանվելու միջոց են այն բույսերի համար, որոնք փշեր կամ արտաքին պաշտպանական միջոցներ չունեն»:

<u>Դասի ընթացքը</u>

Նախապես պատրաստել և երեխաներին ցուցադրել թղթի կամ ստվարաթղթի վրա արված ավարտուն աշխատանքի մի նմուշ։

Նախատեսեք զբոսանք դպրոցի բակում, մոտակա զբոսայգում կամ անտառում։ Քայլե՛ք երեխաների հետ մոտակա ոչ բանուկ փողոցի երկայնքով. այստեղ կարելի է գտնել ծաղկող մոլախոտերի շատ տեսակներ։ Եթե գարուն է, հավաքե՛ք ծաղիկներ, եթե՛ ոչ, ընտրե՛ք հետաքրքիր տերևներ ու գույներ ունեցող բույսեր։ Փաթաթվող բույսերը կարելի է օգտագործել որպես լրացուցիչ զարդարանքի թելեր։

Կրկին հիշեցնում ենք՝ երեխաների աշխատանքները պետք է դառնան ձեր դասասենյակի ձևավորման կարևոր բաղկացուցիչը։ Ծնողների հետաքրքրասիրությունը շոյելու համար անպայման որոշ աշխատանքներ երեխաների հետ տուն ուղարկեք։ • Հավաքե՛ք գույնզգույն ու բազմաձև ծաղիկներ ու տերևներ։

Կարելի է աշակերտների մի փոքր խմբի հանձնարարել զարդարել

«Էկոգանձատուփը»:

• Պատրաստե՛ք սոսնձված բույսերով մի կափարիչ։ Օգտագործե՛ք ձեր պատրաստած սոսինձը կամ բույսերի կաթնահյութը։ Ծաղիկներն ու բույսերն ամրացրե՛ք մազերի լաքով։ Ի դեպ, ծաղիկների վրա մազերի լաք փչելն օգնում է դրանք ավելի երկար պահպանել։

<u>Ամփոփում</u>

Ասե՛ք երեխաներին, որ հաջորդ դասին իրենց «էկոգանձատուփի» մեջ մի հատուկ բան է լինելու պահված։

<u> Առաջադրանք</u>

Այցելե՛ք ձեր տան մոտ գտնվող դեղատուն և պարզե՛ք, թե ինչ բույսերից պատրաստված դեղամիջոցներ կան (թուրմ կամ չոր զանգված): Կազմե՛ք բույսերի ցանկ (անվանումներով և նկարներով):

Ըստ «Բացահայտելով ինքս ինձ և տիեզերքի մնացած մասը» ծրագրի, Մանկական հրատարակչություն, 1974 թ. (Children's Press. 1974)

ԴԱՍ 7. «ԷԿՈԲՆԱԽՈՒՅՉԻ ՈՐՍԸ»

(Խաղ, 1-4-րդ դասարան)

<u>Դասի նպատակ</u>ր

Այս դասի շնորհիվ աշակերտները սովորում են զանազանել բնական էկոհամակարգի կենդանի և անկենդան բաղադրիչները, գնահատել բնական միջավայրում գոյություն ունեցող գույների, չափերի ու ձևերի բազմազայնությունը։ Ընդհանուր առմամբ, առաջադրանքն աշակերտների և ուսուցիչների համար առիթ է դառնում խոսելու բնության և նրա մեջ մարդկության դերի մասին։

<u>Անհրաժեշտ պարագաներ</u>

Վերցրե՛ք «Էկոգանձատուփ»-ը։ Նրա մեջ տեղադրե՛ք ներքևում բերված «Էկոբնախուզական» ցանկից մի առարկա։ Առաջարկե՛ք աշակերտներին կռահել, թե ինչ է պահված տուփի մեջ։ Կարող եք հուշումներով օգնել, սակայն դրանք չպետք է լինեն ուղղակի։ Կարելի է խրախուսել երեխաներին, սակայն թույլ տալ, որ յուրաքանչյուրն ինքը պատմի իր տեսածն ու զգացածը։ Նրանք պետք է պատձառաբանեն, թե ինչու են հենց այդ ընտրությունը կատարում։ Պետք է թույլ տալ, որ երեխաներն արտահայտվեն՝ առանց դրական կամ բացասական որակումներ տալու։

Կազմե՛ք երեքից չորս հոգանոց խմբեր։ Յուրաքանչյուր խմբի համար պատրաստե՛ք

առարկաների առանձին ցանկ։

Դասի ընթացքը

Կազմակերպե՛ք էքսկուրսիա դեպի մոտակա անտառ կամ զբոսայգի։ Բացատրե՛ք աշակերտներին, որ այսօր խաղալու եք «էկոբնախույզի որս» խաղը։ Հանձնարարե՛ք նրանց մոտ 15 րոպե շրջել և գտնել «էկոբնախուզական» ցանկում նշված պարագաներից մի քանիսը։ Առարկաները գտնելուց հետո նրանք պետք է գրեն դրանց անուններն իրենց նկարագրությունների դիմաց։ Վերադառնալով՝ խմբերը պետք է միմյանց պատմեն, թե յուրաքանչյուր նկարագրության համար ինչ են գտել։

Ավելի փոքրահասակ երեխաների հետ սա կարելի է կատարել որպես բանավոր վարժություն։ Երեխաները կխոսեն, յուրաքանչյուրը կսկսի «Ես տեսնում եմ...» բառերով, իսկ մյուսները կփորձեն կռահել առարկայի անունը։ Նա, ով ձիշտ կկռահի, ինքը ցանկից կընտրի մյուս առարկան։ Խաղը կշարունակվի այնքան ժամանակ, մինչև ցանկը սպառվի։ Կարող եք աշակերտների հետ շրջել, մոտենալ առարկաներին և ավելի մանրամասն զրուցել դրանց մասին։

«Էկոբնախուզական» ցանկ

```
«Ես տեսնում եմ... »
մի բան, որը գեղեցիկ է
մի բան, որը սառն է
մի բան, որը չոր է
մի բան, որը մազմզոտ է
մի բան, որը կոշտ է
մի բան, որը ծանր է
մի բան, որը տաք է
մի բան, որը հսկայական է
մի բան, որը ձգվող է
մի բան, որը ձվաձև է
մի բան, որը սրածայր է
մի բան, որը բնության մասնիկ չէ
մի բան, որը փշոտ է
մի բան, որը խորդուբորդ է
մի բան, որը կլոր է
մի բան, որը սուր է, եւ այլն. . .
```